

元始無量度人上品妙經卷之五十四

斬馘不祥品

道言昔於始青天中紫陽泛歌大福樂土受元始度人斬馘不祥妙品元始天尊當說是經周迴十過以召十方始當詣座天真大神上聖高尊妙行真人靈威神王黑天玉京大將斬邪馘毒威兵巨魁伏魔誅覓都吏無鞅數眾浮空而來寶雲接天明霞覆海瑤車玉輪珠景垂蔭飛華妙光疊彩葱蒼森映碧空三日三夜諸天宮殿山川谿谷混交九色三辰定照五斗停機四極運明神烟澄霽一國地土都鄙人物遞相鑒燭萬身入於一身一影普涵萬影色空同顯神氣合冥遐邇若等無復高下土

道藏輯要

度人妙經

至

九集四

八八二

變柔碧洞徹九虛眾真侍座

元始天尊玄坐雙景迴旋神龍天寶之座說經一遍諸天大聖同時稱善是時一國男女天身淨睦妙香飄馥說經二遍天境高巖九霄散縹說經三遍沆露凝珠寶林綴網說經四遍天籟成音瓊金流響自然法唱讚詠冲玄說經五遍水光湛瑩海嶽呈祥說經六遍飛仙揚花彌空錦色說經七遍靈威降世掃滅祇氛說經八遍三界蒙福人道安寧說經九遍六氣順常三災消殄說經十遍天真下濟說法度人是時一國是男是女莫不傾心皆受護度咸得長生

道言是時元始天尊說經一遍東方無極無量品靈威勅法大

神無鞅之眾浮空而至說經二遍南方無極無量品靈威斬祇
大神無鞅之眾浮空而至說經三遍西方無極無量品靈威斬
鬼大神無鞅之眾浮空而至說經四遍北方無極無量品靈威
斬精大神無鞅之眾浮空而至說經五遍東北無極無量品靈
威典獄大神無鞅之眾浮空而至說經六遍東南無極無量品
靈威斬邪大神無鞅之眾浮空而至說經七遍西南無極無量
品靈威飛符大神無鞅之眾浮空而至說經八遍西北無極無
量品靈威吐毒大神無鞅之眾浮空而至說經九遍上方無極
無量品靈威九首大神無鞅之眾浮空而至說經十遍下方無
極無量品靈威殺伐大神無鞅之眾浮空而至十遍周竟十方

道藏輯要

度人妙經

至

九集四
X X X

無極靈威大神一時同至一國男女傾心歸仰來者有如歸雲
歛霧無鞅之眾遍滿一國咸覲和寧斬馘羣醜不祥捐蕩境宇
鎮清駢沓凝瞻非可禁止於是元始天尊於眉間示現金色光
明色光宛轉於其光中化出十方宮殿戶牖敞對重堂巍閣光
氣同流冉冉浮空去地五丈也元始登引天真大神上聖高尊
妙行真人十方無極靈威大神無鞅數眾俱入化宮之中天人
仰看惟見勃勃從化宮金光中入既入光中不知所在國人廓
散神宮流轉勢如旋虹元始卽於其內說經都竟眾真監度以
授於我當此之時喜慶難言法事粗悉諸天復位倏歛之間寂
無遺響是時天人遇值經法普得濟度邪正道分斬魔馘祇蕩

滅不祥傾土歸仰咸行善心正智正道正神正念正思正意正
力正威正行正儀言詞朗直口慧和聲齊同慈愛異骨成親國
安民豐欣樂太平正教開廓魑魅馘平道妙至真悉廣明心寶
奉宗禮皆得度世

道言元始天尊說經中所言並是諸天上帝正真內名隱韻之
音亦是十方靈威神王內諱斬馘不祥之隱名也非世之常辭
上聖已成真人探妙極微能悉其章誦之十過諸天命靈八威
鼓氣神官執刺魔帥稟章綱緯合軌元魁吐暉邪精滅迹鬼途
喪形正道通心真光衛冀陽施至德死而更生至學之士誦之
十過則九天策名五帝給乘三元備兵惡注逃殞生功充盈邪

道藏輯要

度人妙經

卷三

九集四

關杜塞赤書降庭福源自布災殃不經所以爾者學士感徹玉
清高上選鑒羽葆列營召制十方威被六天道爲太極所仰萬
靈咸尊已試無難固守黃寧地祇敬伏攝御魔靈辟除災病永
與生存輕誦此章消落胎元神盧圮摧七魄蹈揚供養尊禮門
戶興隆霄京降契福祿共滂大帥秉鉞斬馘不祥世授道德孫
葉茂昌慶善相因萬災伏藏斯經尊妙獨步玉京度人無量爲
大法之宗巍巍正氣天德自勝

道言凡誦是經十過諸天齊到神綱五斗巨天斬馘天騶甲士
威南巨兵五天大帥部率十方靈威河魁大神銜符操鉞卽至
其所摻捕九醜暗澤幽川古空巫祠一切祇魅及以鬼爽依附

木石潛遁生人誣訟三官覬伺禱祭四目大呼神虎奮翅毒獸
舉牙擲火激電斬首馘耳世之不祥應皆蠲蕩也上學之士修
誦是經青房大神鳴鈴以卻穢紫戶將軍引劍以辟魔王女叩
瓊於九室黃老振音於三素也世人受誦則延壽長年黃庭之
下戶白雲之窮閭泉曲寒池萬鬼弭螫腎海不波水怪竄迹上
宮唱善三府樂立後皆得作尸解之道魔鬼不得而徵呼地司
不得而攝錄神氣蘊形自成法體魔精受鍊飛行太空此經微
妙普度無窮一切天人莫不受慶天界五魔中元五戶地司五
考永斷不祥長保元吉無量之福生死蒙惠上天所寶不傳下
世至士齋金寶效心盟天而傳輕泄漏慢殃及九祖長役鬼官

道藏輯要

度人妙經

卷

九集四

六文三

侍經五帝玉童玉女各二十四人營衛神文保衛受經者身

道言正月長齋誦詠是經召攝北清洞陰尊神部督神兵奏詣
上宮七月長齋誦詠是經召攝中天五帥三界大魔紫微帝君
統按百神滌蕩邪源掃滅祇氛十月長齋誦詠是經召攝六天
洞臺之靈三官曹局考覈大神執御八山勾鎖勅殺大神九首
龍君斬馘故氣不祥窮鬼五殞疫毒土木百精害於生類羗夷
鬼神使國界安寧人民遂成國王帝主君臣父子安鎮國祚保
天長存世世不絕常爲人君安鎮其方民稱太平八節之日誦
詠是經召攝八天大威烟火洞薰太一八神八殺靈君領駕風
雲遊盼九宮孤虛奇門斬馘不祥無使亂程本命之日誦詠是

經召攝二真升入泥丸斗極紫烟中黃上真口吐青華鎮兆等身三尸消落殃疰枯焚黑結白姦斬伐無停三帝紀功七真運靈神童導前身有光明三界侍衛五帝司迎萬神朝禮名書上天功滿德就飛昇上清

道言行道之日皆當香湯沐浴齋戒入室東向叩齒三十二通上聞三十二天心拜三十二過閉目靜思身坐青黃白三色雲氣之中內外翳冥有青龍白虎朱雀玄武獅子白鶴羅列左右三天直事左右兵吏殺鬼使者斬馘天騶森然備衛日月照明洞煥室內頂生圓象光映十方如此分明密咒曰無上玄元太上道君召出臣身中三五功曹左右官使者侍香

道藏輯要

度人妙經

五

九集四
三〇上

玉童傳言玉女五帝直符直日香官各三十二人關啟所言今日吉慶長齋清堂修行至經無量度人願所啟上徹徑御無上三十二天元始上帝至尊几前畢引炁三十二過東向誦經

元始無量度人上品妙經

元始洞玄靈寶本章斬馘不祥十迴度人破邪隱韻離合自然
太无无名混洞北清太一正真化爲老人紫羽錦褱腰帶流鈴
首建天英執御洞經口吐靈和斬馘百精天和至真真氣煥明
五色玄黃八角成文龍章虎書符圖啟靈化生六甲役使六丁
三元定錄五帝變形開廓陰穢正道聿興無文不光無文不明
無文不立無文不成無文不度無文不生是謂大梵天中之天
玉符妙重諸天所尊變化金闕上清之神太霄九華梵氣洞冥
圓羅紫極七九合玄玄臺玉京中有上皇斬邪討姦惡源消斷
真道自然自然靈威火山炎池冶鍊至神龍巾鳳衣主攝不祥
道藏輯要

度人妙經

卷

九集四

八之三

聖蹟通開萬二千神符圖火兵俠衛上皇都校三元眇眇玄道
若亡若存雙景內朝陰陽循環紫景白罪嚴駕不停大行梵氣
周迴十方中有三天正法之神中有北玄斬邪之君中有司禁
勅法之神中有神符保命之君中有六天普護丈人中有九天
司命採察之君巡遊五嶽丈人都禁真官身化水火立生風雲
神么萬億虎賁兆民斬馘不祥無量度人今日校錄諸天臨軒
東方無極靈威神王長生大聖無量度人
南方無極靈威神王長生大聖無量度人
西方無極靈威神王長生大聖無量度人
北方無極靈威神王長生大聖無量度人

東北無極靈威神王長生大聖無量度人
東南無極靈威神王長生大聖無量度人
西南無極靈威神王長生大聖無量度人
西北無極靈威神王長生大聖無量度人
上方無極靈威神王長生大聖無量度人
下方無極靈威神王長生大聖無量度人

十方至真靈威神王長生度世無量大神並乘紫氣丹霞徊光
赫衝翠旌錦節素蓋瓊輿驂御龍虎導從仙真建五神流輝之
幢三素翔鸞之紱前嘯玉籟齊唱後吹碧籥同鳴絳鵲青禽嘯
歌嗵嗵四明治道五仙陪車億乘萬騎浮空而來傾光迴駕檢

道藏輯要

度人妙經

卷

九集四
XXX

錄不詳諸天上公北酆真宰九天都司七政八靈騁霧凌風奔
馳炎獸擲旗鼓革號呼獵響執案考籍齊到帝前隨所應度嚴
校諸天下及人都幽關冥界無極神鄉泉曲之府北都羅酆三
官九府十二河源爍羅鬼國二十四境幽獄罪徒生竟死魄停
繫嶽瀆注害世間喜爲不祥促人壽命發災興毒成厄誣冤放
施毒邪臨民命祿使福德不備智暗偏稟剋天族屬陰曹肆便
宥惑綿邈嚴奉赤文祇行符命神刀斬戮萬鬼縻睛解釋祖考
億劫種親及大魔竟攻蝕攝考肆虐生民不得拘留逼合鬼羣
元始符命時刻昇遷赦過伐罪一一記名北都寒池部衛形竟
制魔保舉度品南宮世無災殃福慶自生不斬馘者鬼錄課盟

死竟受鍊仙化成人身受度億劫無傾陰陽九六常與善循
隨劫輪轉與天齊年永度三途五苦八難超凌三界逍遙上清
上清之天天帝玉真無色之境梵行

東方八天

紫景玉華天

帝肇符喜生

都極重明天

帝鬱黎兼登

宣真都正天

帝覺霞定符

穹耀思微天

帝正辨九區

蒼微露帝天

帝敦和學謀

至正常無天

帝孔彰儀能

道藏輯要



度人妙經

卷

九集四
三三

靈姬肇符天

帝元昌崇

耀樞觀化天

帝龍扶越聰

南方八天

赤明耀明天

帝賈須騫蒲

阮諸綿丙天

帝珠銀祕圖

太真素霞天

帝鳳跌玉孤

道山空際天

帝九星演湖

洞浮紫華天

帝光平敷

元理妙機天

帝奧庭竟星

嶠嶼洞洪天

帝別南彥冥

烈歛高晨天

帝黨輔元需

西方八天

寥霞雲素天

帝偃庭千鉏

化苑上緒天

帝援揚斗然

九道化陽天

帝勃羅會明

八地素歷天

帝願慈真逾

太微妙觀天

帝孽嶺昭淵

飛華浩圓天

帝耆祺夷姬

金映灝都天

帝那離權機

玉鍊道成天

帝虞亭珎

道藏輯要

度人妙經

堯

亢集四

北方八天

冥洞斗魁天

帝術遐卷承

雉室羅宏天

帝雲笏潛虛

玄靈修化天

帝尙賢玉明

除真穹臺天

帝羅都元虛

太霞玄真天

帝暮緣景昌

混明耀景天

帝真期陽

靜順慶宗天

帝部靜祉詹

玄精秀光天

帝卞丁千期

三十二天三十二帝諸天隱諱諸天隱名天中空洞自然靈章

諸天隱韻天正之音天正之尊天正之神天正大魔天正之靈
氣和道合變化北清出教布正萬邪莫干劍芒斬梟鬼并逃奔
玄文紫書雲篇洞章敷落神真普度天人生兆正氣奕奕法輪
長矛巨矢瀝血喪睛今日急速關察火令橫摧斬馘剗滅五帝
列儀炎烟萬丈雷電交馳車破鬼營兵散積屍冥官送檄九道
併追飛行五門順逐三奇神王稽顙六天迎魔東斗降氣西斗
垂剛北斗勅法南斗火然中斗紫宸役御九天青帝變文白帝
斬形赤帝傳符黑帝運神黃帝出令萬靈咸聽青天神王瞿羅
彭興赤天神王鼓畢冲明白天神王虎目昌英黑天神王礪石
漂凌黃天神王晶都架凝五天神王萬神之宗斬鬼億千馘殄
道藏輯要

度人妙經

卒

九集四
X三X

不祥總領鬼兵泛派大荒麾幢鼓節遊盼翱翔霞結成書龍舉
爲章火風赫炎諸天齊功上天斬邪嚴攝北酆神公受命普掃
不祥丹靈敷熾黃鉞誅殃六手操兵鐵額擲烟食邪之獸啖鬼
之王霜甲秋陣殺氣夜河元帥統軍大帝命魔玄老前戮龍將
殿圍擁騎雲愕玉鉞迎阿玄獸吞鎗青斗列言速登我前敢有
干試拒遏上眞羽葆轉碧鸞帷翔軒萬旅震途羣眞回駢屠割
摧裂毒求激淵邪道靜默有誅無捐萬萬截首千千剗魔無
干犯鬼無祆精三官北酆明檢鬼營不得容隱金馬驛呈普告
無窮靈威俯聽地司五皇列言上清

寥無恢運幽虛含精龍漢延康浩浩赤明劫成界開陰陽體名

倏忽變化三景玉清上通無玄下際無淵風爲陰火水爲陽津
風秀成爛水凝爲石洞虛穹貫三十二天中有正氣爲道高真
辟除萬邪會歸正明至化通玄鬼試莫干道爲天父神爲氣根
金剛乘天天無幽冥天無形影天無極窮溟滓大梵爲道之宗
遼廓天光萬象畢容爰有九都爲鬼之皇與帝同生龍穴徬徨
擅治六天害正無光元始開圖赤明洞張三界化現千神佩璫
玉文誅斬馘滅不祥麟迹虎符飛雲併臧元氣成符精魁滅亡
帝一捧日玉女侍傍梵氣流行仙聖穰穰正意梵魔萬法克揚
絡雲架霞綴珠垂芒丹繩絳縷屈曲低昂上布玉清三十二天
轉輪無色周迴十方玉字分譯太極洞房長樓寶山妙臺玉堂

道藏輯要

度人妙經

卷

九集四

八文八

正天運度消滅不祥氣運五色玉虹奠方旋角厯氏遶心蒂奎
牛女人斗冥祆四飛橫度中樞迴行五緯二十八合總氣真元
八威合氣氣入太元玄中帝皇洞陰北真身帶瓊璽頭建神光
泛景紫霞嘯詠洞章流鈴電火響震鬼營玉真吐氣靈官騎星
風火救命金石生烟地囊泮潰屍魅昇仙千化萬移自然知真
知真得道道性通神中有至真長生大君九氣丈人八極尊神
五天元宰總正神靈太一轉式司命揀卿齊到下方斬伐祆倫
符籙前驅兵馬糾紛青髻蝕暈赤靈考覈校約宿命俱奏崑崙
上遊上清出入黃房八冥之內鬼道不祥束送帝君及於世間
生化所因不得隱避枉禍善人細微之中下鎮人身泥丸絳宮

黃池紫海十二之泉寒夜幽路百鬼之羣佩服者書八會神文
氣血流轉斬馘邪神鬼祖畢陽聽命喪精寶符降告變骨成真
中理五氣混合百神十轉回靈萬氣齊仙仙道自生無量度人
神入天門心目通真神珠運行如大法輪精守禁戒信悟因緣
心目爲開見道真形普受開度死覓生身身得受生上聞諸天
諸天之上各有生門變極不窮自然常存存者無形空洞合明
謠歌之章神王靈篇辭參高真

第一天界靈威正道神王飛空之音

玉巔碧嵯

鳳軒八敞

雲螭在樓

飛仙俯仰

金馬奔衝

星階重重

道藏輯要

度人妙經

卷一

九集四
三十一

太極化生

真人遊龍

正氣盤蔚回

車梁光無窮

赤書布金斗

立召四目翁

爲誅萬道魔

千邪不爲凶

三明烟無昏

壽以浩劫終

天老發紺城

長劔磨太嵩

精崇滅形影

哀哀畏刀風

我降九霄氣

嚙之洞樓中

施以救世悲

成此脫度功

第二人界靈威破邪神王之章

絳章虎裳

泛華十天

龍刀斬邪

六道侍軒

印光凝海

劔氣飛雷

戮滅不祥

正道所歸

小醜其何

禍試之媒

我有洞章

奸害元施

大君惠生

慶錫難老

金華九色

與天相保

靜智合神

玄元體妙

蠶茲繁生

蒙蔽眞道

廣度天人

萬善同因

劫界共長

上帝宏恩

制魔成眞

天籙記名

邪無干犯

仙聖受盟

元始洞空

悟者幾人

能悟自然

泠泠玉音

第三地界靈威斬鬼神王歌曰

茫茫塊壘

下有重山

蒼崔白雲

道藏輯要

度人妙經

卷三

元集四

往者不還

太上哀之

請度無間

神風飄霞

碧玉彎環

出書九幽

赤文乃宣

制魄拘魂

斷此幽關

全類何辜

刑禍辱顏

明明太帝

正氣自然

眞道正明

子得昇遷

捨此塵埃途

庶免陰邪源

我有元始章

誦詠萬祖遷

結滯超然散

默契歸無言

度人豈終窮

勤此眞王篇

此三界之上飛空之中眞王歌音音參洞章誦之百遍名度南宮誦之千遍眞王保迎萬遍道備飛昇太空過度三界位登仙

公有聞靈音神王敬形勅制地祇侍衛送迎拔出地戶五苦八
難七祖昇遷永離鬼官寬度朱陵受鍊更生斬馘世不祥福慶
隨日增是謂無量普度無窮有祕上天文諸天共所崇泄慢墮
地獄禍及七祖翁

道言此二章並是諸天上帝及靈威神王隱祕之音皆是大梵
之言非世上常辭皆斬馘不祥之要旨六天殺鬼之司名陰類
沮喪邪精消卻身得長生位登仙真故謂玄奧難可尋詳上天
所寶祕於玄都紫微上宮依玄科四萬劫一傳若有至人齋金
寶質心依舊格告盟十天然後而付焉

道言夫斬馘不祥之道實繫大法有四謂九六運終三景虧盈

道藏輯要

度人妙經

卷四

九集四

八十一

聖神休否未學疾傷凡有此災不祥之重同氣皆當齊心修齋
六時行香十遍轉經北極中玄天帝君洞陰天尊當勅飛雷電
騎五方殺伐大神威劔神王符圖火兵素臬嚇天元帥下降斬
馘災咎福德立降消諸不祥無量之文普度無窮

道言末學道淺真業未成有冥泉之鬼六天之神妄作災凶邁
諸厄難身年注害福祿減削門戶不寧家庭崇害同學至人爲
其行香誦經十過以解禳刑禍祓除苴穢如法中天大神七元
真氣下入身中吉祥自生永保利貞長存不滅便得神仙

道言夫欲諸天降庭神兵衛身斬馘不祥者齋戒誦經可以致
仙真除咎癘也天地運終星宿錯度日月失昏四時失度陰陽

不調兵革時動疫毒流行兆民夭傷師友命過皆當修齋行香
誦經夫齋戒誦經功德甚重上消天災保鎮帝王下禳毒害以
度兆民生死受賴其福難勝故曰無量普度天人

道言凡有是經能為天地帝主兆民行是功德有災之日發心
修齋燒香誦經十過皆諸天記名萬神侍衛右別至人剋得為
聖君金闕之臣諸天記人功過毫分無失天中神王亦保舉爾
身得道者乃當洞明至言也

諸天中大梵隱語無量音 道君撰

元始靈書斬馘不祥玉篇

東方八天

道藏輯要

度人妙經

卷

元集四

明箕海芒 黨路徐忱 珪勤合帝

如輔洞真 鬱依多迂 麥愔需雲

拯河沙那 碧浙東霽 持定羽頤

法坡波吟 魯朝仙莖 依璉拯珂

偃祕羅岑 月珠素離 美披元謠

寶楮宏參

南方八天

扶陁九首 攸敦遏壺 皇鎮洞樊

鄒阿頻蘇 玄尚流函 屠論佑霞

道悟正元 麓謀仙居 敬邈元岨

景著真丘

圓羅季僕

凝宜啟珠

雲題進粵

賢梵過涂

藹原宋歸

澄幾演虛

西方八天

直隨宛藪

智嬰茲洪

河究通極

正斗飛雲

祕鏗剛眉

巖地躡宗

告辨丁孟

嘉社元侯

吉河大魁

將馘冥求

金度治華

紫鎮平優

玄道維寂

無始光休

仙氣司屢

西露涓舟

道藏輯要

度人妙經

卷

元集四

北方八天

黃玄載元

獲虎昇乾

梵景流弭

符傳炎宣

達躍度命

微玄力延

儀庚丹鑒

隱悟定仙

謹濟順常

道明妙筌

軹騫騰盈

府圖凝邊

龍黎惡沙

變歌保天

洞瑞素尤

芝瑜功都

道言此諸天中大梵隱語無量之音舊文刻紀北都玄臺紫微南館下通酆羅九幽泉關以降道威神馘除鬼魔陰魄屍蠱之氣天真皇人採洞清之華染丹筆以成文字皆廣長一丈以爲

正音有知其音能齋而誦之者諸天皆遣護正斬邪之神天毒
八威九首四目之吏導從丁史下衛其身剪伐不祥惠以福澤
延命降真書其功勤上奏諸天萬神朝禮地祇侍門大勳真王
保舉上真道備尅得遊行三界昇入金門此音無所不辟無所
不禳無所不度無所不成天真自然之音也故誦之致天真下
觀上帝遙唱萬神朝禮三界侍軒羣祇束首鬼精自亡琳琅振
響十方肅清河海靜默山嶽吞烟萬靈振伏招集羣仙天無氛
穢地無祲塵冥慧洞清大量玄玄也

道藏輯要

度人妙經

卷

九集四

1101